



**Commentariorvm, Ac Dispvationvm, In Tertiam Partem
Divi Thomae. Tomi Qvinque**

Mysteria Vitæ Christi, Et Utrivsqve Adventvs Eivs Accurata Disputatione Ita
complectens, vt & Scholasticæ doctrinæ studiosis, & Diuini verbi
Concionatoribus vsui esse poßit

Suárez, Francisco

Moguntiaë, M.DC.XVI.

6 V. passio Christi operata sit nostram salutem per modum efficientiæ.

[urn:nbn:de:hbz:466:1-94022](https://nbn-resolving.org/urn:nbn:de:hbz:466:1-94022)

possunt per claus Ecclesie appellari aliis ad indulgentiam, & remissionem poenarum. At vero satisfactio pro alijs genus quoddam redemptionis est, quod quidem soluto pretio alter a poena liberatur. Ad quam obiectionem Caietan. multa dicit, nescio tamen an mentem D. Thom. satis explicent. Ego existimo D. Thom. prudenter egisse, id tantum attigendo, quod locus Pauli postulat. Nam reuera literalis sensus illius loci est, quem D. Thomas significauit. Nam passionibus Christi vere, ac proprie nihil deest, nisi vt nobis earum fructus applicetur, & in hoc laborabat Paulus exemplo, & doctrina, & propter hoc passionibus sustinebat, vt etiam in superiori tomo disputat. 4. sect. 10. attingimus, & fauente Deo, latius in materia de satisfactione dicemus. An vero passionibus iustorum possint alijs prodesse ad satisfactionem, quia neque huius loci erat, neq; breuiter explicari poterat, D. Thom. omnino ab ea questione abstinuit, & simpliciter negauit huiusmodi opera prodesse Ecclesie per modum redemptionis. Ita enim loquendum est absolute, & simpliciter, etiam si profint per modum satisfactionis: vel quia licet vnus possit satisfacere pro alio: non tamen de cōdigno, sed tantū de congruo (vt multi volunt,) vel quod certius est, quia non ex perfecta iustitia, quam nomen redemptionis significat. Et hæc videtur esse magis propria ratio, quam alia, quæ attigit Caietan. est illa non sint reijciende, scilicet, quia satisfactio Christi, est simpliciter necessaria, alia tantum ex abundantia: illa liberat simpliciter ab omni culpa, & poena: hæc tantum a quadam poena temporali. Quibus etiam addi potest, alias satisfactiones non prodesse Ecclesie, nisi vt fundatas in Christo, ex cuius meritis, & virtute prouenit, vt inter membra eius esse possit satisfactio in communicatio. Deniq; propter has causas non dicitur homo redimere seipsum, quamuis possit pro se satisfacere, ergo multo minus poterit dici redimere alios, etiam si aliquo modo pro illis satisfaciat.

ARTICVLVS VI.

*Vtrum passio Christi operata sit nostram salutem per
modum efficientiæ.*

269

A Inf q. 49. ar. 1. Cor. Et op. 3 c 23.8. si est ad Ro 4. si. Et 1 Cori. 1. lect. 2. col 4.

D sextum sic proceditur. Videtur, quod passio Christi non sit operata nostram salutem per modum efficientie. Causa enim efficiens nostre salutis est magnitudo diuine virtutis: secundum illud Isai. 59. Ecce non est abbreviata manus eius, vt salutare nō possit. Cuius autem crucifixus est ex infirmitate: vt dicitur. 2. ad Cor. 13. non ergo passio Christi inefficenter operata est nostram salutem.

2. Præterea. Nullum agens corporale efficienter agit nisi per
 contrarium, unde etiam & Christus tangendo mundum al-
 le-
 Mat. 26. in
 Me. & in o-
 pere im. ho-
 a. id in nu-
 tom. 2.

3. Præterea. Non videtur eiusdem esse operari per modum meriti, & per modum efficientie: quia ille, qui meretur, expectat effectum ab alio. Sed passio Christi operata est nostram salutem per modum meriti. Non ergo per modum efficientie.

Sed contra est, quod dicitur 1. ad Cor. 1. quod verbum crucis, his qui salui sunt, est virtus Dei. Sed virtus Dei efficienter operatur nostram salutem. Ergo passio Christi in cruce efficienter operata est nostram salutem.

q 13. ar. 2. &
3. q. 9. 43.
art. 2.

Respondeo dicendum. quod duplex est efficiens, principale,
& instrumentale. Efficiens quidem principale humana salu-
tis, est Deus. Quia verò humanitas Christi est diuinitatis in-
strumentum (vi supra dictum est) ideo ex consequenti omnes

A actiones & passionis Christi, instrumentaliter operantur in virtute divinitatis ad salutem humanam. Et secundum hoc passio Christi efficienter causat salutem humanam.

Ad primum ergo dicendum, quod passio Christi relata ad
Christi carnem, congruit infirmitati assumpta: relata verd
ad diuinitatem, consequitur ex ea infinitam virtutem, se-
cundum illud 1. ad Corinth 1. Quod infirmum est Dei, for-
tius est hominib. quia scilicet ipsa infirmitas Christi, in qua-
tum est Dei, habet virtutem ex eadem omnem virtutem hu-
manam.

Ad secundum dicendum, quod passio Christi, licet sit corporalis, habet tamen spiritualem virtutem ex diuinitate unita. Et ideo per spiritualem contactum efficaciam sortitur, scilicet per fidem. Et fidei sacramentum, secundum illud apostoli. Quem proposuit Deus propitiatorem per fidem in sanguine ipsius.

Ad tertium dicendum, quod passio Christi secundum quod comparatur ad divinitatem eius, agit per modum efficientiæ: in quantum vero comparatur ad voluntatem in anima Christi, agit per modum meritis: secundum vero quod consideratur in ipsa carne Christi, agit per modum satisfactionis, in quantum per eam liberamur à reatu peccati: per modum vero redemptionis, in quantum per eam liberamur à servitute culpæ: per modum autem sacrificij, in quantum per eam reconciliamur Deo, ut infra dicitur.

Doctrina D. Tho. in hoc ar. difficilis plane est, nisi benigne explicetur. In quo tam ad rem explicandam, quam ad exponendam sententiam D. Tho. pro viribus laboratum est superiori to. disp. 31. sect. 7. Neque hoc loco aliquid addendum occurrit.

QVÆSTIO XLIX.

De effectibus passionis Christi, in sex articulos diuisa.



Einde considerandum est de ipsis effectibus pas-
sionis Christi.

Et circa hoc queruntur sex.
Primo, vtrum per passionem Christi si-
mus liberati a peccato. Secundo, vtrum per
eam simus liberati a potestate diaboli. Terrio, vtrum per eam
simus liberati a reatu pame. Quarto, vtrum per eam simus
Deo reconciliati. Quinto, vtrum per eam sit nobis aperta
ianua cali. Sexto, vtrum per eam Christus adeptus sit exalta-
tionem.

Cam passio Christi potissimum operetur per modum meriti, & satisfactionis, nihil aliud est quærere effectus illius passionis, quam quærere quid Christus sua passione meruerit, aut pro quibus personis, vel pro quare satisfecerit. De quo in priori tomo fuisse disputatum est, & ideo fere in tota hac quæst. nihil aliud præstabitur, quam designare loca, in quibus tractata vnaquæq; res est. Ordo vero huius, præcedentisque quæst. videri potest quodammodo inuersus, quia prius oportebat inuestigare, quid causa posset operari, & deinde modum, quo potest operari. D. Tho. vero voluit prius explicare varios modos operandi passionis Christi, quia ad singulos effectus possunt omnes, vel plures eorum applicari, quod in art. 1. & alijs præstat, estq; ad eorum intelligentiam obseruandum.

ARTICVLVS I.

*Virum per passionem Christi simus liberati à pec-
cato.*



Primum sic proceditur. Videtur, quod per
passionem Christi non sumus liberati à pec-
cato. Liberare enim à peccato, est pro-
prium Dei: secundum illud Isai. 43. Ego
sum qui deleo iniquitates tuas propter me.
Chri-